

Inuussutissarsiornermut, Sulisoqarnermut Inuussutissarsiutinullu Ilinniartitaanermut Naalakkersuisoqarfik  
Naalakkersuisoq  
Landsstyreområdet for Erhverv, Arbejdsmarked og Erhvervsuddannelser  
Landsstyremedlemmet  
Ministry of Industry, Labour and Vocational Training  
The Minister



Inatsisartunut ilaasortaq Josef Motzfeldt, Inuit Ataqtigiit (MAANI)

## Uumassuseqartutigit pinnguutitut ingerlatseqatigiiffimmik pilersitsinissaq pillugu apeqqummut akissut

Inatsisartut suleriaasianni § 36, imm. 1 naapertorlugu Naalakkersuisunut apeqqummik imatut qulequtalimmik saqqummiussaqaarsimavutit: "Nunatsinni uumassuseqartutigit pinnguutit sananeqaatinik kaanngartitalutillu katiterisinnaasut iluaqutiginiarlugit ingerlatseqatigiiffimmik pilersitsiniarluni suliniutit sumut killippat?"

Uumassuseqartutigit pinnguutitut ingerlatseqatigiiffimmik pilersitsinissaq pillugu apeqqutigisannut qujanaq.

Uumassuseqartutigit pinnguutitut ingerlatseqatigiiffimmik pilersitsinissamut Naalakkersuisut sulit soqutiginnippot, tassalu Kalaallit Nunaanni ilisimalikkanik pilersitsinermut attassinissamullu sapinngisamik ilapittuutaassappat, tamannalu ilutigalugu aningaasaqarnermut pitsanngorsaaqataalluni ilapittuutaalluni.

Suliniuummit Bioneerip tunuarnerata kingornatigit ullumikkut Kalaallit Nunaanni uumassuseqartutigit pinnguutitut tunisassiarinerisa suliarinerisalu iluini ilisimasamik ilapittuisinnaasumik suleqatigisassamik amigaaqartoqarpoq. Taamaattorli tunisassiorfimmi misissueqqissaarinernik ingerlatserusuttumik kalaallit suliffiusumik Bioneerip sulit suleqateqarnissaminut soqutigisaqarpoq. Pisortamut Laboratoriamilu pisortamut ukiup affaani aningaasarsiat ilanngullugit taama ittumik suliffiliorneq Namminersornerullutik Oqartussanut 1,7 mio. kronit missaannik akeqassaaq. Tamanna Qallunaat Nunaanni suliffiusoq Bioneerip timitamigit inissisimassappat aallaaviuvoq, tassalu taamaalilluni bakterialerinermi katersarisat atornissaat pillugit neqeroorutinik assigiinngitsunik aammalu Bioneeripit allanik suliarinnittussarsiornermik ilitsersorneqarnissamik atugaqarsinnaassalluni.

Kalaallit Nunaanni assingusumik suliffiusumut aningaasartuutaasut qaffasinnerussappat, ajornartorsiutinillu makkuninnga aporfeqassalluni:

- Kalaallit Nunaanni immikkoortortamut paasisimannittoqanngilaq, tassalu ilisimatusarfeqarani imaluunniit tamakkuninnga sulialimmik suliffeqarani.
- Sulit immikkoortitamik sananeqaatinik kaanngartitalutillu katiterisinnaasumik tunisassiorfimmit tunisassiornissamut tunuliaqutarisinnaasamik,

6.08.2008  
Sag: 2008-010238  
Dok.: 78899

Postboks 1601  
3900 Nuuk  
Oq/tel +299 34 50 00  
Fax +299 32 56 00  
ip@gh.gl  
www.nanoq.gl

aammalu tuniniarniarsinnaanera pisariunngitsuusinnaasumik pigisaqartoqanngilaq.

- Sananeqaatinik kaanngartiteralutillu katiterisinnaasunik tunisassiorfiusut ineriartorneri '90-ikkut naaneranni takorluugarineqartutut taamatut qaffariaateqarsimanngillat.
- Kaanngartiteralutillu katiterisinnaasunik imaluunniit isumalluutunik tappiorannartunik uumassusilinnik (Molekylærbiologisk) ukkataqaannarnermut naleqqiullugu periusissaq suli siammasinnerussaaq, aammattaarlu aalisakkanit uuliamik aammalu kalaallinit pinngortitamit tunisassianik piareersakkanik allanik ilaqassalluni.
- Tigussaanerumik tunisinissamut najoqqutassaqaqtigagu aningaasaliisinaasut (soorlu Greenland Venture) soqutiginnngillat.
- Ingerlatseqatigiiffivimmik pilersitsinissamut aningaasartuutit 20-25 mio. kronit akornanniissasutut naliligaapput, aningaasaliissutaasullu matussusernissaanut naatsorsuutigisaqartoqarsinnaanissaanut ukiut arlallit ingerlassapput.

Taamaattorli sinneqartooruteqarfiusumik ingerlatseqatigiiffimmik pilersitsinissamut siunissami iluatsitsisoqarsinnaanissaanut Inatsit nr. 20, 20. november 2006-imeersup atuutsilereratigut pingaarutilimmik toqqammavissamik inissiisoqarsimavoq. Nunarsuarmit tamarmit ilisimatuut Kalaallit Nunaaliartuupput, uumassuseqartutigullu isumalluutit pillugit immikkoortortani assigiinngitsuni tunngaviusumik ilisimatusarneq ingerlataralugu. Misissuinissamik akuersissutit arlallit atuupput, inernerisanillu ingerlatseqatigiiffimmik aningaasaliissuteqarnissaq kajungernarinnngortitsisinnaasunik saqqummiussaqaarsinnaallutik. Atugarisassat eqqortut atuutsillugit ingerlatseqatigiiffik inunnit namminersortunit, kalaallinit qallunaanillu pisortaqaarfiit sullissiviinit aammalu aningaasaliissuteqartunit pigineqarsinnaavoq. Tamatumunnga patsisaasoq tassaavoq Namminersorne-rullutik Oqartussat kisimik pisariaqartitatut aningaasaliissuteqarfittut inissisimaffimmik pilersitsisinnaanissaasa qularnartuunera isigineqarmat.

Aamma ilaannaanut isumaqatigiissuteqarnikkut kalaallini uumassuseqartutigut isumalluutit tuniniagarinissaannik isumaginninnissaminnit neqerooruteqartunit nunanit allanit suliffeqarfinnit soqutiginnittoqarpoq.

Kalaallit Nunaata ilisimasaqarfittut inuiaqatigiinnut ineriartorneranik aammalu tunisassiorfimmik namminersortumik ineriartortitaqartunik pitsaanerpaamik ilapittuuteqartunik periarfissarpassuarnit toqqaasoqassasoq Naalakkersuisut anguniagaraat. Tamanna ilutigalugu aqquusaagarisat sukkavallaartissanngillat aammalu kingusinaarluni takusanik kalaallini soqutigisarissat akerliannik ineriartoriartorsinnaasunik isumaqatigiissuteqarnernik tuaviuussanik isumaqatiginniartoqassanngilaq.

Apeqqutigisat qulaaniittunik naammaginartumik Naalakkersuisut sinnerlugit akissuteqarfigisimassagiga neriutigaara.

Inussiarnersumik inuulluaqqusillunga,

Siverth K. Heilmann

Inuussutissarsiuteqarnermut, Sulisoqarnermut

Inuussutissarsiutinullu Ilinniartitaanermut Naalakkersuisoq